

Luna&Simba, 8j.



suechet zäme es nöiis Daheime mit es bitzeli Freigang

Liebi Tierfründe

Kuckuck, mir sy's, d'Luna u dr Simba. Mir hautet grad Uuschou nach eme nöiie Daheime. Warum? Eigentlich sy mir reine Wohnigschatze, abr siit mir hei a de Liine usse dörfe, wönnt mir nur no usse, u zwar allei u ganz frei. Abr das isch hier viu z'gfährlech. Bsunnern em Simba macht's d'inne Bliibe sähr z'Schaffe, er leckt si itze immr a d'Pfote u am Näsli wund, wou vor Schtress u Fruscht u Langewiile. Itze suechet üsi Bsitzeri schwären Härzens für uns nach eme nöie Daheime, wo mir chönntet usse gah. Villiicht geits dann em Simba widr bessr. Drum!

Mir sy 8jährig, Gschwüschterti, kaschtriert, gimpft, schtuberein, aahänglech u sähr verschmuest. Mir liebe es, mit üsem Mönch z'kuschele u ganz nah bi ihm i sim Bett z'pfluuse. Mir sueche regurächt sini Ufmerksamcheit u schpiue ou sähr gärn mit ihm. Mir sy ganz liebe, nöigiirige Büsis, ig, d'Luna, no es bitzeli meh nöigiirig, typisch Meitschi haut. Dr Simba schickt mi ou gern füre zum Lage Teschte. U mir sy gsung, nur dr Simba schläckts sech wie gseit a Pfote u Näsli mängisch wund. Drü Docs hei nid chönne uusefinge. Es isch offesichtlech dr Sträss odr Fruscht, wiu er nid usse dörf.

Mir möchtet unbedingt zäme bliibe u hätte gärn es ruhigs Daheime bi liebi, geduudigi Mönche, die üs nach Iigwöhnigsziit Freigang ir verchehrsarme Umgäbig biete chönnte. Ou e grosse iizünte Garte wär öppis für üs. Houptsach Gras untr di Pfötli, Wind ums Näsli u Vögeli beobachte. Ching, Hung u angeri Chatze chenne u wönnt mir nid, mir gnüege üs vouchomme. Nur Du odr Dir u mir zwöi!

Bisch Du villiicht grad pensioniert odr sunsch oft dihei, arbeitsch Du teilziit odr im Homeoffice? Hesch Du en gsicherete Garte, ÜSE Garte? Odr chönntet mir bi Dir sunsch nach dusse? Das wär's! Denn müesset mir üs unbedingt lehre chenne. Derziit wohne mir no z'St. Gallen, mir züügle abr gärn zu Dir, wo au immr Du wohnsch. Mäud Di doch bitte ganz gly bi dr Sonja Ball. Sie het sich üs agno u suechet für üs das nöiie Plätzli. Mir fröie üs uf Di!

Dini Luna&Simba



Katze sucht Mensch - Mensch sucht Katze

Sonja Ball

Tel.Nr. 079 333 45 62

kontakt@katze-sucht-mensch.ch